



Moskito net hemi save blokem yu blong no kasem sik malaria sipos yu usem gud.

Stret fasin blong usem moskito net:

- › Bifo yu usum net blong yu, hangem long wan ples aotsaed blong wan naet
- › Yu mas pusum ol end blong net andanit gud long matres o mat blong yu
- › Taem we wan net emi toti, yu mas wasem wan taem, insaed long wan dish, wetem sop (jaenis) mo wota
 - Yu no mas brasem strong tumas
 - Tabu blong wasem long riva, bigfala wota we i ron mo wan wota we fulap man i usum
- › Draem andanit long wan shed blong tri bifo yu usum
- › Lukaotem gud ol net blong yu blong i no brokbok. Fixim eni hol long net kwiktaem blong i no save brok bigwan o spolem moskito net
- › Yu no mas usem moskito net blo yu blong kasem fis, kafremap vegetables mo ani kakai long hem

Evriwan i shud silip anadanit long moskito net evri naet: papa, mama, pikinini wetem ol olfala

TINGBAOT SE:

Ministri blong Helt hemi givim aot fri moskito net, malaria test mo meresin blong malaria taem yu nidim.



Blong kasem moa infomesen, yu save kontaktem eni helt woka kolosap long eria blong yu.



AOTEM SIK MALARIA LONG VANUATU

Sik Malaria hemi save pas i go long wan man tru long moskito we i kat bebet blong sik ia long hem.

I kat meresin we bae i save helpem yu blong kam oraet bakaken sipos yu kasem sik Malaria. Yu mas drink finisim gud meresin blong yu save oraet bakaken.

BLONG PRIVENTEM MALARIA MO PROTEKTEM OL NARAFALA MAN:




Silip andanit long moskito net evri naet



Go kwik taem long wan helt fasiliti sipos yu gat fiva, hed i soa, nogat paoa o bodi i soa



Sipos yu kasem malaria, yu mas drink finisim gud ol meresin blong yu



SAEN O SIMPTOM

- › Bebet blong moskito we oli kolem *Plasmodium vivax*, hem nao hemi kosem kolosap evri Malaria keis long Vanuatu
- › Ol fes simptom we man i save filim hemi hed i so, fiva, nogat paowa, mo bodi i so
- › Sipos yumi no tritim gud, afta sam manis i pas, man ia bae i save kasem sik Malaria bakeken



PRIVENTEM

- › Silip insaed long moskito net we i gat meresin long hem evri taem, from moskito hemi stikim man long aftenun, long naet mo long eli moning
- › Hemi impoten blong klin-ap raon long haus, katem grass, berem ol emti kontena mo narafala samting we i save holem wota blong moskito li save putum ek blong hem insaed



TEST MO TRITMEN

- › Eni man/woman/pikinini we hemi stat blong filim fiva, bae i mas go long wan klinik blong oli testem blad blong hem
- › Sipos test hemi positif long malaria, bae hemi tekem Coartem tablet blong 3 dei mo Primaquine tablet blong 14 dei olsem i follem advis blong dokta o nes
- › Hemi impoten tumas blong wan man we i sik long malaria i mas drink finisim gud meresin blong hem blong hemi harem gud mo hemi helpem blong priventem mo protektem narafala man blong no kasem sik malaria